



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	SINAR HARIAN
Date	1 MAY 2016



Mahathir (dua, kanan) pada Program Bicara Selamatkan Malaysia, kelmarin.

Tun M ulangi desakan Najib lepas jawatan

Sinar Harian - 1/5/2016

JOHOR BAHRU - Bekas Perdana Menteri, Tun Dr Mahathir Mohamad sekali mengulangi desakan agar Datuk Seri Najib Tun Razak melepaskan jawatan sebagai Perdana Menteri jika tidak mahu negara terus merosot.

Katanya, keadaan negara bergelumang dengan hutang tanpa sumber pendapatan kukuh bakal membebankan generasi akan datang.

"Saya yakin kerajaan tidak mampu membayar hutang begitu banyak kerana sumber pendapatan kerajaan semakin berkurangan, terutama berkenaan minyak Petronas yang tidak lagi memperoleh pendapatan tinggi berikutan harga petrol kita jatuh.

"Kita mungkin membayar faedah, tetapi untuk membayar hutang pokok akan mengambil masa berpuluh tahun dan akan jadi beban kepada anak cucu kita. Kita berpendapat selagi beliau (Najib) berada di situ, kita tidak akan dapat memperbetulkan keadaan," katanya pada Program Bicara Selamatkan Malaysia, anjuran Gerakan Anak Melayu Bangkit di Hotel M Suite, di sini, kelmarin.

Mahathir berkata, Malaysia adalah bangsa yang tidak sukakan keganasan seperti negara lain, meskipun terdapat jutaan rakyat mahukan Najib melepaskan jawatan nombor satu negara.